

esco Bolani, cao di 40, volse parlar: *tandem* d'acordo rimaseno indusiar, fino si intendeva la relation dil Saracho, arziepiscopo di Nepanto, la qual ancora non era stà leta al pregadi.

Et accadete che sier Polo Pixani, el cavalier, avogador, averse el pregadi, e lassò andar molti zozo; e sier Antonio Trun, cao di X, li fè un gran rebuffo, dicendo non oservava le leze *etc.*

Et fato il scurtinio di tre savij dil conseio, di zonta al colegio, sier Marco Antonio Morexini, el cavalier, fo savio dil conseio, fo primo balotado e passò di do balote; per la qual cossa poi rimase tre nuovi, zoè sier Antonio Trun, fo consier, sier Antonio Loredam, el cavalier, ambassador al re di Franza, e sier Hironimo Zorzi, el cavalier, fo ambassador in Franza. Et il Zorzi e Trun erano cai di X, e introno. Et fu fato in loco l'horo, e rimase poi sier Zacharia Dolfim, con titolo e provedador sora le cosse da mar; da sier Alvise Mudazo, fo governador, et za per avanti di ordenarij suo compagno sier Anzolo Trivixam era rimaso; et cussi *etiam* in luogo di sier Domenego Beneto. Fono fati poi cai dil conseio di X, sier Bortolo Vituri, sier Anzolo Trivixan et sier Zacharia Dolfim.

*A di 6 octubrio.* Fo gran conseio, et sier Polo Pixani, el cavalier, avogador, con mantello negro per coroto di sier Andrea Barbarigo, andoe a la banca, e contò ballote, e fo publichà una condanasom, fata il mexe di avosto in quarantia criminal per ditto sier Polo Pixani, avogador, e sier Hironimo Capello, provedador sora le camere, contra Renier Venier, scodeva le decime dil clero a Padoa, di haver tolto lire 6000 di danari spectanti a la Signoria, et preso, fu condanà a restituir questo e la mità più per pena, e non ensi di l' Armamento fin non paga, e sia publichà ogni anno per ladro.

In questa matina l' orator di Franza e quel di Monferà, *etiam* quel di Rimano, fono a la Signoria; *ad quid, nescio.*

E in questo zorno, a gran conseio fo chiamà a la Signoria li officiali a le raxon vechie, e ordinato, preparasseno una caxa per do ambassadori yspani, vieneno di Roma, vano in Hungaria, e doman sarano qui. E fo chiamati sier Francesco Capelo, el cavalier, sier Zuan Badoer, el dottor, sier Marin Zorzi, el dottor, sier Antonio Zustignan, el dottor, sier Nicolò Michiel, el dottor, e sier Piero Pasqualigo, el dottor, li vadino doman contra. Qualli vieneno per via di Chioza, e poi venuti, andono a la Signoria.

In questo zorno zonse qui sier Almorò Pisani dal baneho, fo di sier Zuane, venuto da Londra per

terra, et zonto a Yspureh, par trovasse el re di romani li e il signor Lodovico Sforza, el qual ge tochè la man, digando: Djo à voluto che perda el mio stato; et che volea esser amico di la Signoria nostra; et che de li se diceva, erano in acordo con sguizari; e questo referite in colegio.

*A di 7 ditto.* Fo pregadi per proveder a le cosse di la Patria di Friul, per il mal portamento dil Zanchani, e leto le letere, et quello havia fato turchi nel passar l'Izonzo. Et niun di colegio fo trovato mettesse parte. Se non che li savij messeno, che sier Andrea Zanchani venisse de qui, et fusse fato uno provedador in suo luogo el primo pregadi, et che 7 sier Domenego Contarini, era a Sazil, andasse a Gradischa a far processo *etc.* Et sier Francesco Bolani, cao di 40, andò in renga, et disse, non meritava questo, et che lui fu fiol di Candiam Bolani, che li lassò *solum* ducati XV, perhò non voleva haver alcun rispetto. Messe a l'incontro, che ditto sier Andrea Zanchani si dovesse vegnir a presentar a le prexom, et che per li avogadori fusse formato processo, e menato poi a questo conseio. E sier Piero Balbi, el cavalier, favelava su le banche in favor dil Zanchani, suo cuxin, e rompeva el Bollani. Qual li disse: Non zanzè su le banche, ma vegnì qui in renga, e fate che il conseio ve intenda. E il doxe have a dir: Costui è traditor di questo stado, a non haver defeso la Patria, nè pur mostrandose a l'inimico; el se vol punir in exempio de altri. Et fo ditto, turchi torneriano fin 8 zorni. Et sier Nadal Nadal *etiam* parloe. Et mandate le parte, quella di savij have 60, et dil cao di 40, 107; e fu presa. E la matina tutta la terra parlava dil Bolani, *adeo* che 'l primo conseio si fece tuor di la zonta, e rimase da molti vechij, erano stati za più anni di zonta e pregadi. *Ergo etc.*

Ancora in questo pregadi fo scritto a sier Marco Antonio Morexini, el cavalier, provedador a Cremona, atento si habi auto una lettera di sier Alvise Michiel, podestà di Castel Lion, come era venuto li nel palazzo el Bataia, *olim* castelan a Cremona, con lettere di dito provedador, volendo il dominio e possesso di uno bellissimo palazzo, et quello fornì di artiglierie. Or la terra have a mal, e perhò li fo dato avviso di questo; et mandasse l'aventario di quello era in castello; et scritto a sier Nicolò Foscarini, intri in Cremona, et che sier Domenego Trivixan, el cavalier, *sub poena*, debi partir doman.

Fono pratichà per queste excursiom di turchi in Friul, per obstarli a li passi, atento el conte Bernardino di Frangipani, qual havia uno suo messo qui, insieme con uno retor di scolari dalmatino, et voleva